

D. D.

DISSERTATIO ACADEMICA,

*Causas diversorum de Moralitate
actionum humanarum judicio-
rum exponens,*

Quam

*Conf. Ampliss. Senat. Philos. in Reg. Acad. Aboënsi,
Publico examini subjiciunt*

CAROLUS BERGMAN,

Phil. Mag. & Adj. Antist. in Korpo,

nec non

PETRUS AHLSTRÖM,

Smolandus & Stip. Reg.

In Audit. Maj. die V Octobr's A. MDCCXCVI.

H. A. M. S.

ABOÆ, TYPIS FRENCKELLIANIS.

10

DISSESSATI O ACADEMICA

CHARTA - CHARTA OF THE ACADEMY
OF THE DISSESSATI

BY THE DISSESSATI

IN THE CITY OF LONDON

ON THE TWENTY-THREE DAY OF APRIL, MDCCLXVII.

CHARTA

BY THE DISSESSATI OF THE CITY OF LONDON
FOR THE REFORMATION OF THE CHURCH OF ENGLAND.

CAROLUS ERICIANUS

CHARLES ERICIANUS

THE FIFTH

PETERUS AESTROM

PETER AESTROM

ANNO MDCCCLXVII DIES V APRILIS A.D. MDCCCLXVII

10 A.D. 1787

AND THE DISSESSATI

KONUNGENS
TROMAN OCH CONTRE-AMIRAL,
DESS GENERAL-ADJUTANT, CHEF FÖR
FINSKA ESCADREN AF ARMEENS FLOTTA
I ÅBO, COMMENDEUR AF KONGL.
SVÅRDS-ORDEN,
SAMT
RIDDARE AF FRANSKE ORDEN
POUR LE MERITE MILITAIRE,
HØGVALBORNE HERREN,
HERR
VICTOR VON STEDINGK,
NÅDIGE HERRE,

Tillåt, NÅDIGE HERRE, at då jag infämmer med
Allmänhetens Losquåde om Herr Contre-Amiralens
och Commendeurens fällsynta bedrifter och stora
förtjänster mot Fäderneslandet, jag särskildt genom
desa

*desfa få blad, hvilka Herr CONTRE-AMIRALEN och
COMMENDEUREN i all ödmjukhet tilägnas, utmärker
den vördnad, som jag och alle Redelige Medborgare
åro Herr CONTRE-AMIRALEN och COMMENDEUREN
skyldige. Blifve Herr CONTRE - AMIRALENS och
COMMENDEURENS Lefnadsdagar så månge, som Dess
nit för allmånt, väl fordrar deras förlängande! Med
sådant tänkesätt och i djupesta vördnad framhärdar at
vara*

HÖGVÅLBORNE HERR CONTRE-AMIRALENS
OCH COMMENDEURENS

*ellerödmjukasße tjener
CARL BERGMAN.*



PRÆFATIO.

Venerabundo, ceu par est, animo agnoscimus, finem Dei O. M. in hominibus creandis spectatum, cum meminimus, Summum Numen, diversas animi facultates nobis benignissime largitum esse, ut non modo in veritates theoreticas sollerter inquireremus, verum etiam pro cuiusque acumine ingenii, Legi Naturali convenienter, de Moralitate actionum humanarum judicare possemus, sicque de certis vitae feliciter transigendæ regulis rite observandis, essemus solliciti. Nihilo tamen minus, teste experientia et annalium scriptoribus commonstrantibus, satis superque edocemur, tempora fuisse et adhuc esse, quibus tot fere de moralitate actionum humanarum essent sintque sensus; *quot capita*. Ut enim illos prætereamus, qui falsam adeo de Lege Naturali foverunt sententiam, ut omnino ejus existentiam in dubium vocare religioni sibi non ducerent; multi sunt alii, quorum judicia de Moralitate actionum, valde esse inter se diversa, reperimus, et si cognitione et peritia necessaria officiorum, quæ Lex dictitat Naturalis, non destituantur.

antur. Illa judiciorum diversitas, causas ergo suas
habeat, necesse est; quas dum Dissertatione hacce
Academica sumsimus exponendas, saveas, Candide
Lector, juvenilibus hisce meditationibus; nos vicis-
sim operam pro virili dabimus, ut in materia haud
ignobili tractanda, expectationem tuam non omnino
sefellisse videamur.

§. I.

VNe incongrua adferre videamur, cum terminos
in rubro Dissertationis occurrentes, tum quænam sit
moralitatis indoles, et quomodo de ea formentur ju-
dicia, paucis primo explicabimus. Ad posterius quod
attinet, judicare dicimur, cum de rebus repræsentan-
tis aliquid vel affirmamus vel negamus. Quod per-
tinet ad materiam judicij, neminem fugere oportet,
in omni judicio consideranda esse sequentia: primum
res, de qua aliquid affirmatur vel negatur, deinde
illud, quod affirmatur vel negatur, seu, ut terminis
Scholasticorum utamur, et subjectum et prædicatum,
quorum alterum alteri vel convenit vel repugnat.
Judicium itaque nobis significat repræsentationem
conjunctionis vel separationis idearum. Ab uno
porro ad alterum progredi solemus judicium; unde
quædam cæterorum fundamentum in se continent,
ut principia, quorum ope concludimus ad res alias
judicio nostro objectas: hinc facile patet, veritatem
vel falsitatem judicij ex veris vel falsis five princi-
piis

piis sive conclusionibus pendere; quo enim magis proprias et intimas rerum proprietates, relationes, caussas, effectus et varias circumstantias detegimus, eo etiam veriores contemplationes, variarum rerum judicia et conclusiones formare possumus, et vice versa. Quoniam autem de re aliqua vix valemus rite judicare, nisi eam sub certis signis vel nominibus nobis repræsentemus; idcirco verba maxime necessaria sunt censenda ad notiones distinctas formandas, conservandas et cum aliis communicandas, nec non ad notiones aliorum percipiendas; quare etiam, verborum in judiciis formandis magnas partes esse, facile videmus. Porro judicium nostrum eo certius et verius evadit, quo clarius atque perspicacius rerum rationes, relationes et alias circumstantias perspicimus, quo minus solis sensationibus et phantasie repræsentationibus distrahimur, quoque plus ideis distinctis regimur. Distorquentur autem judicia nostra et variis errorum labyrinthis implicamur, si sensuum et phantasie lenocinia dictaminibus rationis prævalere permittimus.

Sequitur, ut Moralitatis etiam indolem breviter persequamur. Moralitatis vocabulo significamus actionis humanæ bonitatem vel pravitatem, quæ utraque ex actionis cum Lege Naturali vel convenientia vel pugna innotescit. De actionum moralitate Eruditii omnium temporum multum disputarunt, utrum nempe subjectiva an objectiva actionum moralitas sit statuenda? Etsi tota hæc illorum disputatio in meram Logoma-

chiam resolvi potest; paucis tamen de utraque sigilatim erit nobis disserendum. Moralitatem subjectivam asserentes contendunt, moralitatem actionum se habere consequenter ad Legem, seu quamlibet actionem; ideo esse vel bonam vel malam, quod lege vel præcipiatur vel prohibetur; sine tali præcepto vel interdicto nec bonam nec malam, sed plane indifferentem futuram. Qui autem pro moralitate objectiva pugnarunt, urgere sueverunt, moralitatem actionum se habere antecedenter ad Legem, seu actionem quamlibet ideo esse præceptam vel prohibitam, quod Sapientissimus Legislator viderit, quasdam actiones esse in se bonas, alias vero malas, illas vide licet suis perfectionibus convenientes, has autem repugnantes. Eni invero facile patere existimamus, in moralitate actionum dijudicanda duo considerari posse momenta, fundamentum videlicet earum et rationem formalem. Fundamentum est ipsa natura actuum, cui innititur habitudo illa ad legem seu actionis cum lege vel convenientia vel disconvenientia; ut adeo habitudo ad Legem Naturalem sit formalis ratio, ex qua liquido cognoscimus, an quæ actio moraliter sit vel bona vel mala; siquidem Lex Naturalis est actionum humanarum norma, unde illarum bonitas vel pravitas dijudicatur. Quod si itaque sententia illa, quæ originem moralitatis deducit ex habitudine, quam actio habet ad voluntatem Dei, lege expressam naturali, in eaque manifestatam, de ratione moralitatis formalis intelligatur, altera vero, quæ ex na
tura

tura actuum moralitatem eorum arcessendam esse docet, de moralitatis fundamento accipiatur; oppido patet, totam hanc controversiam, magno animorum fervore olim agitatam, in meram abire logomachiam.

§. II.

Dum ad rem propositam dijudicandam propius jam progredimur, et causas diversorum de moralitate actionum humanarum judiciorum exponere conamur, observare licet: nimiam in judicando præcipitantiam diversitatis modo memoratae primam esse causam. Natura hominum ita comparata est, ut non raro visa pro compertis habeat, et hujusmodi indoles, tota quanta sit, illorum proelivitati nimis perfunctorie et præcipitanter de rebus et actionibus variis, sensibus vel phantasie obversantibus judicandi, est adscribenda. Inde nata est præcipitantia in judicando de rebus physicis, tali modo magis minusve claras cuique fere præbentibus, et sic causam diversi de illis judicii nobis sistentibus. Ex eodem fonte etiam nostra in judicando de actionibus moralibus oritur præcipitantia. Antequam de moralitate actionum humanarum rite judicare valemus, omnes circumstantias illarum familiares nobis reddere debemus; quod negotium quum multi intermittent, et ex particulari ad universale concludant, fieri aliter non potest, quam ut pro diversis, quæ præmissas ingrediuntur, circumstantiis, diversa de una eademque a-

etione ferant judicia. Nonnullæ præterea actiones ejus sunt indolis, ut primo quasi intuitu quandam bonitatis vel pravitatis speciem nobis objiciant; indole autem illarum accuratius considerata, sententias prorsus contrarias ferre cogimur. Quis igitur non videt, præcipitantiam in judicando, non expensis circumstantiarum momentis, haud minimam esse causam diversitat̄iſ judiciorum de actionum moralitate?

§. III.

Circa æstimandam actionum moralitatem philautia etiam ſepe noſtra pervertit judicia. Noto notius eſt, philautiam a multis male audiisse, et loco vitii, angue et peste pejoris, eſſe habitam; ſed quum hoc vocabulo intelligi poſſit rationalis ſui ipſius amor, cuique patet, quod per eam, ſic explicatam, deducamur ad officia Deo, aliis et nobismetipsis ita præſtanda, ut veram inde fine aliorum damno et detrimen‐to, capiamus felicitatem. Hoc itaque intuitu philautia noſtriſ non officit iudiciis. Contin‐git autem ſepiſſime, ut homines ſe reſte non ament, ſed ſepofitiſ ſanæ rationis dictaminibus blanditias ſenſuum fuorum audiant, adeoque bonum apparenſ vero præferant. Hac perversa philautia animum facinante, homo ita actiones suas instituit, ut cum aliorum jaſtura et damno ſuam quærat felicitatem, ac iuſtē aliis ſe præferat; quin igitur noxia et perversa hinc exiſtant iudicia, nullum eſt dubium.

Ejus.

Ejusmodi homines certam rei rationem, exploratis
fimasque veritates tollere atque negare moluntur.
Etsi enim non nisi dimidias quasi rerum rationes
perspexerunt, eas tamen totas se vidisse arbitrantur,
et quamvis aura leviores fuerint in judiciis ferendis,
animo tamen pervicaci enixe et vehementer
contendunt, judicium suum firmis niti fundamentis;
idque eam ob causam, quod forma rei animo con-
cepta iporum imaginationi conveniat. Experi-
tiā et sanæ rationis usum nunquam consulunt,
quoties illa philautiae aduersantur. Quare hæc ju-
dicium adeo pervertit, ut tota acies mentis humanæ
quasi obtundatur et omnem moralitatem actionum
ex sola utilitate privata, quam quis ex illis vel per-
cipit vel expectat, metiatur.

§. IV.

Inter plures etiam, quæ hic sese spectandas
nobis sistunt causas diversitatis judicii practici, jure
referimus nostram ad alios relationem; pro hujus e-
nim diversitate de actionibus diversimode judicamus.
Nulla omnino idea est, quæ, dum illam eum aliis
comparamus, infinitarum fere considerationum an-
sam non præbeat. Ejusmodi autem relationes di-
versæ esse indolis notum est; ut etiam homines sen-
tationibus naturalibus præditos sine ulla ad alios
relatione existere jure omnino negemus: quo posito,
relationes nostras ad alios videri diversas et pro-
fen-

sensationibus nostris variare, et si ideas relationis ipsius easdem interdum habere possint, qui prorsus diversam de rebus inter se comparatis notionem fovent, negaturum fore puto neminem. Sic alio plane modo de optimatum, alio de superiorum, alio de doctorum et bene de nobis meritorum, alio de inferiorum, alio de ineruditorum, alio denique de minus celebrium et omnibus vitiis deditorum hominum actionibus, pro diversa nostra ad illos relatione, judicamus: ita ut e. g. difficilius, et non nisi argumentorum sufficientium copia vieti, nobis persuadere valeamus, in majorem dignitatem evectos, quosque doctrina atque moribus probatos censemus, in suis consiliis præcipites et devios fuisse; dum contra proniores sumus ad credendum, omnes, quos in officiis observandis negligentes et in vita dissolutos, ac præterea variis vitiis infectos putamus, repræsentationibus mali et Phantasiæ ope, facile turbari posse. Homines præterea considerantes, gaudio vel dolore commotos, honoris atque miseriæ compotes; concludere licet, nostram ad alios relationem ex affectuum nostrorum indole vehementer pendere et pro eorundem vi atque æstu in judiciis de aliorum actionibus ferendis videri diversam. Diversa enim illa ad alios relatio hominum ex affectibus orta, tanto vividior nobis occurrit, quanto certius constat, homines, vi naturæ suæ, sensationibus boni et mali, voluptatis et tædii, confuse repræsentatis, nunc huc, nunc illuc, facile moveri posse. Sic e. g. non ægre

gre compellimur, ad benignissima judicia de amicorum nostrorum actionibus, quantumvis sanæ rationi et bonis moribus reluctantibus, ferenda, et vice versa. Pari modo nostra ad alios relatio se exferit diversa, si illos respectu æqualitatis, originis et aliarum circumstantiarum respiciamus. Ad utilitatem nostram quod attinet, nemo non videt, nostram ad alios relationem plane esse diversam, et judicia pro ea variare (*a*); quare etiam, quod magni ab altero sit, ab altero non raro susque deque habetur. Ex quibus omnibus conficitur, pro nostra ad alios relatione, alio alioque tempore diversissima, judicia etiam pro absolutis habita, re ipsa fuisse relativa, et eatenus quoque diversa (*b*). Hinc maxima judiciorum diversitas.

B

§. V.

(*a*) *Or, dans tous ces différents cas, nous prisons d'autant plus une idée, que cette idée nous est plus utile. Le pilote, le médecin et l'ingénieur auront plus d'estime pour le constructeur de vaisseau, le botaniste & le mécanicien, que n'en auront, pour ces mêmes hommes, le libraire, l'orfèvre & le magon, qui leur préféreront toujours le romancier, le dessinateur et l'architecte.*
HELVETIUS de l'Esprit Disc. II. Chap. 3. p. 75.

(*b*) *Eadem relatione nititur etiam illa diversitas judicii, quam idem HELVETIUS non optimis coloribus depictam refert his verbis: Il en est des petites sociétés comme d'un particulier. A-t-il un procès? si ce procès est considérable, il recevra son avocat avec plus d'empressement, plus de témoignages de respect & d'estime, qu'il*

Ut alia caussa diversitatis judiciorum nobis ulterius hæc occurrit, quod homines aliorum sœpe expendant actiones magis ad præjudiciorum, quam ad æquitatis tenorem. Quis non videt, id certo respectu, de indele et conditione humana dici posse, quod Cel. FONTENELLIUS joco quasi dixit: *Avec aussi peu de raison, qu'en ont les hommes, il leur faut autant de préjugés qu'ils ont accoutumé d'en avoir. Les préjugés sont le supplément de la raison. Tout ce qui manque d'un côté, on le trouve de l'autre. (Dial. des Morts, Dial. V. entre Straton et Raphaël d'Urbin.)*

Vel minima rerum humanarum consideratio fidem nobis facere debet, magnam hominum partem præjudiciis plerumque regi solere. Multi enim rationes principiorum et rerum veritatem rite ac diligenter perpendere et in consentiendo nec non opinando falsam atque cæcam evitare temeritatem, nec possunt nec volunt, sed temerariarum et erronearum opinionum jugo adeo premuntur, ut familiariter s

ne recevroit Descartes, Locke ou Corneille. Le procès est-il accommodé? c'est à ces derniers qu'il marquera le plus de déférence. La différence de sa position décidera de la différence de ces réceptions. De l'Esprit Disc. II. Chap. X. p. 155.

bus suis principiis ne tantillum quidem diffidant; adeoque tantum abest, ut recta certaque veritatis via tuto progredi possint, ut contra modo, æquitati et sanæ rationi contrario, temere valde et inconsiderata de aliorum actionibus non raro ferant judicia. Tanta præterea est difficultas animos a præjudiciorum malo præmuniendi, tanta incuria mortaliū ac odium de rebus nondum perspectis sobrie dubitandi, tanta imbecillitas ingenii, tantum præjudiciorum agmen, quod animos obsidet hominum, ut partium studio et imaginationis lusibus, nec non variis causis externis magis ferantur, quam diligentirei et opinionum vulgo receptarum studeant examini, et proposito ducantur, veritatis evidentiam rite investigandi atque rimandi. Quibus rebus efficitur, ut homines æquitati convenienter de aliorum actionibus vix saepius judicent, quam ubi præjudicia cum veritate quodammodo congruere reperiuntur. Sed ubi æquitas vi præjudiciorum refragatur, omni studio et contra omnem æquitatem in id saepe incumbunt, ut morem eorundem nutui serviliter gerant. Sic multi præjudiciorum peste infecti, perversas adeo de moralitate actionum humanarum notiones soverunt, ut religioni sibi hand ducerent, ejusmodi dicta factaque approbare, qua non modo falsa & nulli tuto fundamento superstructa, enique, sanam rationem rite consilenti, sunt visa, sed etiam horrenda & omnem in genere nostro veram virtutem, magnani-

mitatem & laudem radicitus tollerent, adeoque omni destituta essent æquitate. Veritas hujus rei manifesta radiat luce, cuique rite consideranti natales cæci in religionem zeli; diversas de religione opiniones; mores atque instituta multa majorum & sexcenta id genus exempla, quibus diutius enumerandis immorari nolumus. Sufficiat indicasse, præjudiciorum vitio interdum homines eo magis laborare, (eoque nomine aliorum actiones sæpe expendere magis ad præjudiciorum, quam ad æquitatis lancem,) quo manifestius est, otium, spatium ætatis, tandem alia adminicula iis rite examinandis, exuendis atque expellendis sufficientia, non superesse.

§. VI.

Porro observare licet, cuique, vel paullulum conditionem humanam consideranti, clarissime apparere, judicia nostra de actionum moralitate non raro variare pro diverso animi nostri statu. Quem fugit, judicia nostra de aliorum actionibus ex notione etiam & modo quasi doctrinæ, de illis a nobis comparatae, interdum pendere, ita ut, cum ad suetudine diligentius attendendi judicandique accusatione adhibenda præcepta moralia nobis inculcare curavimus & vitia illis opposita nobis detestanda reddidimus, ac deniceps omnibus adminiculis, fini nostro proposito servientibus rite usi sumus, citius atque

atque tutius de actionum moralitate judicare valeremus, quam ubi his subsidiis destituti temere ac inconsulte ad iudicia de actionibus facienda accessimus. Nihilo tamen minus nemo nescit, statum animi nostri sibi non semper constare, sed ut fluctuantem idemidem & subinde valde diversum, considerandum esse. Percipimus enim appetitus & aversionis sensationes, etiam nobis exosas, quibus insensibiliter adsuescimus, & quarum rationes vel nullo modo, vel non sine accuratissima adhibita diligentia indagare valemus. Unde fit, ut iudicia nostra ipsis nobis saepe perversa videantur & tamen eadem emendare nequeamus. Cupiditatum & dolorum sensationes tantam furoris vim & tantas infidias animo nostro clanculum struunt, ut mentem occaecare & virtutis sensum quasi obtundere paullatim possint. Unde colligere oportet, (ope intimi & arctissimi commercii, quod corpus inter & animum intercedit, & ingenti validissimaque idearum obscurarum cohorte in auxilium vocata, nec non ad sociatis huic temperamentis hominum diversis,) iudicia nostra de actionum moralitate non raro pro diverso animi nostri statu vehementer variare. Sic doloris quodam sensu hypochondriaci atque melancholici vehementer afficiuntur, & animo etiam inscio in ejusmodi cogitationes incidere posunt, quas tota mente horrent, quæque sensum eorum vegetiorem valde contristant & pervertunt; vel si cor-

pus alio quodam morbo sit affectum, animi olim vegeti, laeti atque acris alacritas plerumque opprimitur, adeoque is diversimode in judicando progressreditur; quare etiam facile patet, varias operationes physicas, mechanica quasi organisationis corporeae dispositione, non posse non in animi sensationes plane diversum habere influxum & consequenter judicia nostra vario modo flectere.


§. VII.

Supereft, ut paucis de eo disseramus, an verum sit, quod communiter dicitur: cuivis seculo suum esse genium? Notum scilicet est, uno laudari tempore, quod alio vituperatur; ac hinc plurimas res sensu & judicio majorum exoptatissimas, nunc sibilis explodi & e scena quasi expelli. Attamen hic seculi genius, accurate loquendo, non ab ipso tempore, quo homines vixerunt & vivunt, sed ab hominum conditione, legibus & cupidinibus, ut apud varias Nationes, ita aliis aliiisque seculis diversis, est repetendus. Res aequa manifesta est, de qua CORNELIUS nos jam monuit: *non eadem omnibus esse honesta atque turpia, sed omnia majorum institutis judicari.* — Neque enim Cimoni fuit turpe, Atheniensum summo viro, sororem germanam habere in matrimonio: quippe cum cives ejus eodem uterentur instituto. At id quidem nostris moribus nefas habetur etc (a). Sic multi populi

(a) Vid. Praef. CORN. NEP.

populi Asiatici vitia varia pro actionibus habuerunt licitis; (v. g. de Persis memoriae prodit **ORIGINES**: *Persarum leges non arcere nec matres a filiorum, nec patres a filiarum connubio*; (b) quam connubiorum incestorum rationem ipsi nesciunt, quamquam omnes moratiores gentes summo justoque eam horrore profequantur & sic in ceteris) in quo majorum instituta & consuetudines, morum loco homines stimulant incitantque. Quod de his Nationibus dictum, valet etiam suo modo de quaque gente, cuius studia & conditiones variant, prout vel summa necessitate premitur, vel vitae genus magis magisque hilare ac commodum in illa obtinet: majorum enim institutis, fortunae, famae & existimationi nec non aliis circumstantiis adeo cedere plerumque solent homines, ut difficulter de moralitate actionum humanarum aliter judicent, quam prout eorundem moribus conveniat; in antecessum de erroribus intellectus medendis, praejudiciis submovendis, relationibus probe expendendis ut veritatem dilucide perspicerent, non solliciti.

(b) Lib. V. *Contra Celsum* §. 3.



lequel il faut faire pour la goutte à l'oreille. L'autre partie de l'oreille (xiiij. 3) est la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille. On doit faire ce qu'il faut pour la partie qui n'est pas la goutte, mais la partie qui est à l'oreille.